

Giza Eskubideen batzordeak gaitzetsi egin du Navalcarneroko presondegia bisitatzea

Gutun baten bidez tratu txarrak bertan behera uzteko eskatuko dio zuzendariari

Gasteizko Legebiltzarreko Giza Eskubideen batzordeak ez du onartu Navalcarneroko (Madril) kartzelara joatea. Han dauden euskal preso politikoei tratu txarrak salatu dituzte, baina batzordeak uste du oraingoz nahikoa dela gutun bat bidaltzea kartzelako zuzendariari.

Felix Iriarte / Gasteiz


JAVIER MADRAZO. IUko kideak aurkeztu zuen kartzelara joateko proposamena. Esan zuen kartzelako bost funtzionariok presoek mehatxuak eta irainak egiten dizkietela, eta giza eskubideak ez direla errespetatzen salatu zuen. Gainera, Jose Antonio Ortigaren bahiketarekin loturarik ez duela nabarmendu zuen. «Aspalditik datorren egoera da Navalcarnerokoa», adierazi zuen.

Kartzelako zuzendariak egoeraren berri bazuela ziurtatu zuen, halaber, Madrazok. Eta konpontzeko ezer ez duela egin azpimarratu zuen. Hori dela eta, batzordeak kartzela bisitatzeko eskatu zuen.

Karmelo Landa (HB) eta Jasone Iraragorri (EA) bat etorri ziren IUko kideak esan zuenarekin. Landak, gainera, esan zuen Navalcarneroko presoen egoera «latza» dela 1993. urtetik, eta Senideak elkarteak kartzelako egoerari buruz egin dituen hiru txostenak gogoratu zituen.

Jose Antonio Rubalcaba batzordeko lehendakariak kartzelako zuzendariari gutun bat helaraztea proposatu zuen. «Salatutakoa larria da. Gutun bat bidaltzea proposatzen dut tratu txarrak bertan behera gera daitezen eskatuz», esan zuen.

Asmo horri heldu zioten UA,



Karmelo Landa eta Javier Madrazo Gasteizko Parlamentuko Giza Eskubideen Batzordean.

OLALDE

PP, PSE-EE eta EAJk besteena atzera botatzeko. Enriquet Benitok (UA) esan zuen ez zela egokia kartzelara joatea, «bestela egunero kartzelak bisitatzeko egon behar genukeelako». Gainera, Ortigak bahituta segitzen duela gogoratu zuen. Hori aipatu zuen Carlos Iturgaizek. «Hau ez da unerik egokiena kartzelak bisitatzeko. Ortega bahituta dagoen bitartean ez da unerik egokiena izango», adierazi zuen.

«Hitzek ez dute balio». • Manuel Huertas sozialistak Rubalcabaren asmoa lagundu zuen, «egokia delako», eta Inigo Urkullu jeltzaileak esan zuen oraingoz nahikoa dela gutuna helaraztea. Hala ere, ez zuen baztertu aurrerago beste neurriren bat hartu behar izatea. Mila Madinabeitia Senideak

elkarteko kidea batzordeak hartu zuen erabakiaz mintzatu zen Legebiltzarreko korridoreetan. «Erabakia ez da nahikoa. Batzordeak ez du inplikatu nahi. Izan ere, Navalcarneroko egoera beste kartzela batzuetakoa da. Orain arte erakundeek ez dute borondatea agertu. Hitz asko, baina ekintza gutxi, eta dagoeneko hitzek ez dute balio», adierazi zuen. Senideak «elkarteko kideak, berriz, txalotu egin zuen IUk proposamena aurkeztu izana.

Navalcarneroko lau euskal presoek, bestalde, txandakako gose grebari ekin zioten atzo. Kartzelan sartu zituztenetik hiru isolatuta daude, eta Ortigaren bahiketaren ondoren egoera larriagotu egin da, gutun baten bidez jakinarazi dutenez.

«Jose Antonio Ortigaren arres-

tatzea egin zen momentutik bost funtzionariok osatutako talde batengatik jasanezinezko erasoak pairatzen ari gara, eta egoera gogortu egin da azken egunotan. Txaboloak hankaz gora jartzen dizkigute egunero, eta hori dela eta, ikasketak bertan behera utzi behar izan ditugu. Ziegaz bi aste aldatsen gaituzte, eta parteak, irainak eta mehatxuak egunero ogi bihurtu dira», adierazi dute gose grebari ekingo diotela jakinarazi duten gutunean.

Hamabi hilabetetan egingo duten laugarren gose greba izango da. Besteak beste, bost funtzionario horien jarrera aldatzeko eskatuko dute, miaketak era normalean egiteko, modulu bakoitzean gutxienez bi preso egoteko eta hilero aurrez aurreko bisitaldia jasotzeko aukera izatea. X

Nafarroako AABek beste 100 salaketa aurkeztu dituzte sakabanaketaren kontra

■ Herrialde honetan 1.600 jarri dituzte dagoeneko

A.U. / Iruñea

SENIDEAK taldearen ekimenari jarraiki, Aministraren Aldeko Batzordeek 100 salaketa judicial jarri zituzten atzo Nafarroako Auzitegian, herrialde honetako 44 preso Euskal Herrikan kanpo daudelako espetxeratuta. AABetako zenbait ordezkari salaketak aurkeztu zituzten bitartean, beste batzuk Auzitegiaren aurrean elkartu ziren, protesta moduan.

Salaketa horiekin, dagoeneko 1.600 dira Nafarroako presoen senideek eta beste zenbait erakundeek sakabanaketaren kontra jarri dituzten salaketak.

Pello Abadia AABetako bozeramaileak azaldu zuenez, «salaketen helburua oso garbi dago: legehaustea Espainiako Gobernuak berak egiten duenean epaitegiak justizia egiteko gauza diren ala ez ikusi nahi dugu». Abadiaren arabera, euskal presoak Euskal Herrikan kanpo edukitzeko arrazoi bakarra politikoa da: «euskal preso politikoen kolektiboa deuseztatzea saioa alegia». ABBen ustez, sakabanaketa ez da zilegi, espetxe zigorrari gehitzen zaion beste zigor bat baizik. Hori dela eta, euskal preso guztiak Euskal Herriko espetxeetan biltzeko eskatu zuten, behin berritri, AABek. X

Pindado komandanteak deklaratzeko eskatu dute 'Urigoitia kasuan'

Erredakzioa / Donostia

JOSE RAMON PINDADO komandanteak inkulpatu gisa deklaratu dezan eskatu du Lurxi Urigoitiaren familiaren akusazio partikularrak. Lurxi Urigoitia tiroz hil zuen Guardia Zibila, eta heriotza horren ikerketa berritri ireki da El Mundo egunkariak CESIDen agiri bat argitaratu ondoren. Agiri horretan, Urigoitiaren heriotzari buruzko hasierako ikerketan frogak manipulatu egin zituztela alpatzen zen, kasua artxitzatzea lortzeko asmoz. Apirilaren 3ra arte, CESIDen agiri horretan zati bat estalita argitaratu da, baina egun horretan ikusi ahal izan zen falta zen zatia. Frogen manipulazioaren berri ematen zuena: Jose Ramon Pindado kapitaina. CESIDen agiri horren mikrofitxari sekretua altxatzeko eskatu zion epaileak Gobernuari, akusazio partikularren eskariz. Gobernuak ezezkoa eman zion eskaerari, Estatuaren segurtasuna arriskuan egon litekeela argudiatuz. X

Baionako fiskalak dio ertzainek ez zutela abisurik eman

■ Ertzaintzak Schengengo akordioak aplikatu ditzakeen ala ez ez baitabaidan jarri dute iturri berek

Hur Goroñtiaga / Baiona

BAIONAKO fiskaltzak edo parkeak «Frantziar sartzerakoan ertzainek bertako agintariak abisatu ez» zituztela adierazi berri du, joan den astelehen goizeko gertakariak direla eta. Parketetik jakinarazi denez, bi gazte lapurtarrak Hendaiara arte segitu zituzten ertzainek ez zituzten «ez administrazioko, Poliziako ez eta Justiziako agintariak abisatu». Gainera iturri berek, Ertzaintzak «Schengengo akordioa aplikatzeko eskubiderik ez» dutela jakinarazi dute ere.

Ertzaintzak astelehenean plazaratu zuen agirian berriz argi eta garbi ageri da «Iparraldeko lurraldean sartu ziren ertzainak,

bertako agintariei getakizunak informatzen zen bitartean».

Schengengo aferari dagokionez, hiru egunotan hitza hartu duten Frantziako ordezkari orok «Ertzaintzak eskubiderik ez» dela azaldu du. Espainiar lurraldean, berriz, Juan Alberto Belloch Barne eta Justizia ministroak Ertzaintzaren jokabidea sostengatu du. Gisa horretan «Ertzaintza Estatuko Poliziaren parte» izanik, Schengengo akordioak bereganatu izaten direla azaldu zuen Bellochek. Schengengo akordioa 1994ko apirilaren 4an sinatu zuen Espainiak. 41garren artikuluan agertzen denez, delitu egileen atzetik muga igarotzen ahal duten poliziak guardia zibilak eta Espainiako

Poliziako kideak dira, «polizia judizialaren funtzioak betetzeko edo aduanako administrazioari dagokion funtzioak betetzeko», eta hori 10 kilometro barrera.

Eusko Jaurlaritzako barne Saileko iturriek lerro beretik ikusten dute dituzte gauzak. Estatuko polizia izanik baimenduta dutela erranik. «Schengengo informazio zerbitzuetarako sarrera ere izateak, Schengengo akordioaren aplikapena egin dezakegunaren bertzeko frogak da», diote aipatu iturriek. Gaiari aditua diren artetik ere idatzitakoan interpretazio ezberdinak ere aditzen dira.

Dena den, afera orain Baionako Auzitegian dago eta honek erabaki beharko du eman beha-

reko jarraipenaz. Batetik D.A. ziburutarra eta J.P.M. urruñiarak Hegoaldean egindako delituei buruz aritu beharko du, hala nola, mozkorrik gidatzea eta ertzain bat zapaltzea bertzeko bertzeko. Bestetik, berriz, ertzainek muga pasatzeko eskubidea zuten ala ez definitu beharko du, tiroak Frantziako lurraldean egin ziren ala ez, eta ertzainek bi gazteak atxilotzeko eskubidea zuten ala ez.

Gai honi buruz eztabaida dago, iturri batzuek ertzainek atxilotu zituztela baitiote, eta bertzeko poliziek berek. Ertzainek egin duten aukeran, Schenek atxilotaketa kanpoko polizi zerbitzuek egin dezaketela ala ez ezbaia dortsu da ere. X